

Tasleđt tasekklant n usefru

Anda-tt TEΣZIBT

n Lwennas Maεtub

Syur Meşafa Kamal At Remđan

02



Tasekkla Taqbaylit

"Azul,

ANSUF YIS-WEN yer tuzrigt tis 02 n *Tasleđt Tasekklant*. Nekk isem-iw Meřafa Kamal At Remđan, d anelmad n tseddawit, imi am kenwi ħemmley taqbaylit akked tsekkla ines, snulfay-d asebtar-agi «*Tasekkla Taqbaylit*» akked tedlisin «*Tasleđt Tasekklant*» i wakken ad ssiwđey i wiyad ayen iyer nekk wwđey.

Tadlist-agi, d isem-is i d awal-is, d tasleđt asekklan n yiđrisen akked yisefra imucaeen s wařas di tsekkla taqbaylit. Ad neeřeđ ad nesres iđrisen-agi di teswayin ideg ttwaxemen, syinn ad ten-id-nessefhem s tmuyli talqayant i wakken amyurı ad izeř anamek adettan n yifyar d tefyirin.

Tikkelt-a, ad d-nawi asefru «*Anda-tt TEZZIBT*» n umedyaz-acennay ameqqran Lwennas Maetub. D asefru zeddigen igerrzen ara ieejben yall amdan ara d as-islen ney ara t-iyren.

Ma yella kra n usteqsi ney n uřric ur tefhimem ara, tzemrem ad ay-d-tessiwđem isteqsijen ney tamiwin nwen yer usebtar :

Tasekkla Taqbaylit

Nessaram ad awen-d-nawi ayen i ken-ixuřšen deg unamek asekklan, akken dayen nessaram ad ken-iejeb yixeddim-agi nney.

Meřafa Kamal At Remđan

Agbur

1	Azul	2
2	Tazwert	4
3	Acewwiq	5
4	Izli amenzu	7
5	Izli wiss sin	9
6	Izli wiss krad	12
7	Izli wiss ukkuz	14
8	Tamsirt	17
9	Tuggra	19

Tazwert

ASEFRU-AGI, «Anda-tt TEZZIBT» yura-t umedyaz-acennay Lwennas Maetub, icna-t-id d tizlit di tesfift «Au nom de tous les miens» i d-yeffyen deg useggas 1997. D tizlit yettwassnen aṭas syur acennay-agi imi hed-ḍren akk medden fell-as, aṭas i wumi teejeb nezzeh.

Ihi, deg usefru-agi, itterra-d umedyaz iman-is d usfih, d unguf ney d ccmata gar wid t-icban. Iqqar-d akk ayen n dir i keḥhen yimdanen d wayen akken ur ilaq ara yakk ad ittwaxdem.

Synn, ad nfaq d akken annect-agi i nettwali yer kra yimdanen, d netta i yesean azal di kra n teswayin, d netta i wumi ssalayan ccan. D yiwen seg waṭṭanen n tmetti i yef d-yewwi Lwennas awal deg tmedyazt-is.



“

Luḍa-agi i seg i d-tekkam
 Ssney-tt asmi d asawen
 Iɛdawen-agi d-tesnulfam
 Yid-sen i nnḥafey ifadden

Acewwiq

D

ak nnan: telha nniya
D lħila n şşfa
Bab-is, xas yeyli, ad yekker
Tettak udem i taggara
Tettrebbi lqima
Winn tt-isean ur inegger
Nekk ay atma ur iyi-tehwa
Armi d-nemseggra
I d-yendeh s yisem-iw liser





SEFRU-AGI ibeddu-d s yifyar-agi d-nzers dagi ufella. Ibya umedyaz ad ilin d tazwert i wayen ara d-yini yakk deg usefru ines, s yis-sen ara ikcem deg usentel. Ittmeslay-d yef xayen akk ilhan di nniya, am deg wayen ieeddan am deg wayen d-iteddun.

Yak nnan: telha nniya
D lħila n ššfa
Bab-is, xas yeqli, ad yekker

Issexdem tanfalit «yak nnan» i wakken ad d-yini d aken d annect-a ittwalin yimdanen, d annect-a i d-nnan wat zik yef nniya akked wayen i yelhan deg-s ladya ššfa akked tnekkra yall mi ara yeqli umdan. Ad nger tamawt belli awal illa-d yef yizri d wayen ssnen yimdanen yef nniya.

Tettak udem i taggara
Tettrebbi lqima
Winn tt-isean ur inegger

Ihi yuḡal umedyaz ittmeslay-d yef wurmir, neḡ ayen d-iteddun, abeɛda taggara icebħen. Am winn ara ak-ikkxen ayilif mi ara ak-yini : «Winn tt-isean ur inegger», acku imdaden akk ur byin ara ad negren. Byan akk ad d-ttwabedren, byan akk ad ddren deg wulawen n wiyad xas ma mmuten. Ihi dagi amedyaz iḡgem-asen i wat nniya tudert nniḡen akked lqima yugaren deffir lmut nsen.

Nekk ay atma ur iyi-tehwa
Armi d-nemseggra
I d-yendeh s yisem-iw liser

Dagi i yegzem Lwennas amrar segmi t-yesseyzef. Yuḡal ittmeslay-d yef yiman-is i yufan liser asmi i d-yemseggra¹ akked nniya. Da netta, issexdem tanfalit «indeh-d s yisem-iw»² akken ad d-iglem amek i d-ldin fell-as tewwura yer wayen ilhan.

Ibya si tama nniḡen ad d-ijbed tamezẓuyt n wid, am netta, i yeḡḡan nniya i wakken ad ten-isselheḡ s wawal-is, i wakken dayen ad lħun akken deg ubrid n liser beḡra n win n nniya.

¹Amseggra: D amennuy neḡ tikkwal d tuḡḡit.

²Ndeh s yisem: Siwel. Tikkwal dayen mi ara yili umyar iħemmel yiwen deg warraw-iw ugar n wiyad, qqaren-d «ineddeh ala s yisem-is» imi ala netta i yeħemmel ad issendeh neḡ ad isseqdec.

Izli amenzu

A

nda-tt teezibt ur neṛdiḥ
Ney asebsi ur nendiḥ
S Lḥesnawi d Lēenqa
Selsey-as i lyeṛḍ jjiḥ
Ass-a a d-tettiḡsiḥ
Tedwilt-nni ur ṛḡiḥ ara
Yak nnan: leemer yerbiḥ
Bnadem ur neḡbiḥ
D lweqt ad niḡbiḥ tura
Fer tḥerçi ad d-ncerreg ttriḥ
Ad asen-neḍlu amsiḥ
I wid isburren nniya





AGI D IZLI AMEZWARU n tezlit. Deg-s ara d-iban yilyi n usefru, yerna deg-s dayen ara d-yefk umedyaz tamuylı talqayant tamezwarut yef wayen d-yebda di tezwart ines. Nniya-nni i yeğğa di tezwara, ad d-yini ayen tura i tt-yeğğa ad yernu ad d-yeglem ayen i t-issawden yer ubrid-agi amaynut i d-yewwi.

Gar yimdanen akk ukkud ara d-yeddu umedyaz, llan yiezbiben ney tiezibin¹ i d-yejbed dagi srid yer tezlit-is.

Anda-tt teeziht ur neḍih
Ney asebsi ur nendiḥ
S Lḥesnawi d Leenqa

Ittmeslay-d ladya yef yimeawazen ar şuḥ, wid yessedhay uḥawan alamma d tiselbi, wid yerdaḥen s Lḥesnawi akked Leenqa, wid dayen iseeddayen uḥan nsen seg usebsi² yer wayeḍ. Idda-d akkid-sen akken ad icrek yid-sen tameddurt akked tamuylı nsen, yerna ad ibded yer-sen imi ula d netta akken i iga.

Synn yeqqel iheddeḥ-d yef wayen t-issagaden d wayen i yis itqabal yir tiswayin. Inna-as deg wawal-is:

Selsey-as i lyeḥd jjiḥ
Ass-a a d-tettiḡsiḥ
Tedwilt-nni ur ḡḡiy ara

Imi ala jjiḥ i asen-d iggran i yimdanen t-icban mi ara d-tettiḡsiḥ yir taswayt, mi ara ten-id-teḥres yir tedwilt, ulayyer amennuḥ, ulayyer ssber, ulayyer nnif. Ala jjiḥ kan i d-yeggran ad yefru yis-s umdan timsal-is, acku s jjiḥ, ayen i as-ihwan ad t-ixdem, ayen i as-ihwan ad yaweḍ yer-s.

Syin, ad ixdem ugar waya, ad isenned yer yiwen n yinzi yettwassnen mliḥ deg yidles aqbayli, abeēda «Leemeḥ yerbiḥ bnaḍem ur neḡbiḥ» i wakken ad iserreḥ yakk i tmasit³ ines, ad yeğğ yer deffir ayen t-icudden yer tmetti akked wayen i t-yurzen deg-s.

Imḍaden iban ad uyalen ad t-ttwalin s yir tamuylı, ad t-keḥhen, ur t-ttamnen ara. D annect-n ara ismeyren tiḥḥerḡi ines. Ad yuḡal ad d-izzi, di taggara, yef wid isean nniya i wakken, s jjiḥ-is, ad asen-ikkas ayen akken ibya ney ad iefes deg yizerfan nsen i wakken ad issemyer ayla-s akken i as-yehwa.

¹Aezib, taeziht: D amdan ittilin waḥd-s ur iḥmil yiwen.

²Asebsi: D allal i yis ttkeyyifen yimdanen. Ad sersen deg-s iferr n cemma, syinn ad t-ssiyeḥ. S tefransist: la pipe.

³Tamasit: S tefransist, responsabilité.

Izli wiss sin



rrba i d iyi-ssrebhen
Idim yemmaren
D aneeyab ttwargamey
Şedden lerbug akk celxen
Ula i d iyi-d-yettfen
Deg uđref n ugni n yisey
Allen n zik yettneħcamen
Ur ttadrent dayen
Xas ma zdat wi ttqadařey
Tagmat ad as-rrzey ifadden
Ad as-gerrzey lekfen
Deg uzabuq ad as-serrħey



LKKA-D LWENNAS di tmeddurt seg waṭas n yir tiswayin i ibeddlen tudert-is. Aṭas n tikkal i deg yettwet yerna gaddac i yuḍen. Ihi dagi, imi d-yerra iman-is deg umur n ccmata, issexdem rrba-nni¹ yakk i d-iḥlin fell-as, idammen-is yemmaren akked yir leeyub² i d-yeggran di tfekka-s i wakken ad d-issebbed yis-sen tamuylī-agi ines tamaynut.

Tef waya i d-as-yenna:

S rrba i d iyi-ssrebḥen
Idim yemmaren
D aneeyab ttwargamey

Maci kan d rrba i d-iḥlin fell-as, d idammen-is i yemmaren ney d leeyub i as-d-iggran, lameena yerna rregmat s ufella. Ittwet di tfekka-as yerna yettwajreḥ deg wul-is. Ihi, issenfalay-d abeēda urfan ines mgal ayen yakk i yeēddan fell-as. Ibya dayen ad isfeḍ yer-sen jjiḥ-is. D imi ara icerreg akk lerbug³ i t-yetṭfen yer tmetti ney yer yisey, laḍya mi d as-inna:

Ṣedden lerbug akk celxen
Ula i d iyi-d-yetṭfen
Deg uḍref⁴ n ugni n yisey⁵

Syinn dayen, am deg yizli amenzu, ad ixdem ugar mi ara yekkes akk leḥya seg yiman-is. Tef waya, ad yuḥal ur issadar ara akk allen-is am zik-nni zdat winn i yettqadaḥ ama d imeqqṛanen, ama d alag-is, ama d imawlan-is..., abeēda mi as-yenna:

Allen n zik yettneḥcamen
Ur ttadrent dayen
Xas ma zdat wi ttqadaḥey

Yerna-d syinn kra yifyar nniḍen i deg i d-yessenfal dayen ayen n dir ara yexdem. Awala-agi aneggaru, isea aṭas n yinumak akken d-qqaren yimdanen. Yall yiwen amek d-issefhem acu i yebya ad t-id-yini umedyaz.

¹Rrba: Yir tadyant, tadwilt qessiḥen d-yettaḡḡan axessar.

²Segmi yettwet Lwennas deg useggas 1988, isea yiwet n tgecirt wezzilet yef tayed imi tettwet s rṛsas.

³Rrebḡ: D amrar i yis i teqqnen (ttarzen) lmal seg uḍar.

⁴Aḍref: Aset ines d iḍerfan: d ijerdan i teggen medden di tebhirt segmi ara tt-neycen i wakken ad zzun deg-s.

⁵Isey: D tagrumma n wazalen akk i yesa umdan deg yiman-is ney di tmetti, abeēda: lḥerma, nnif, leḥya, leqder...

Tagmat ad as-rrzey ifadden
 Ad as-gerrzey lekfen
 Deg uzabuq ad as-serrhey

S tmuyli tamezwarut, ad d-nefhem d akken, amedyaz ad isres seg yiri-s tagmat, ad yuḡal am akken ur ittamen ara akk yis-s imi netta ur isei ara gma-s. Ad ittmuqul kan amek ara tt-yerreḡ ney ad tt-isfeḡ seg wulawen i wakken ad d-ggrin yimdanen akk d iwḥiden am netta. Yall winn isean gma-s ad t-inkeḡ, ad t-ideqqeḡ am akken ur t-id-sein ara yakk yimawlan-is.

Amedyaz ibya ad ixdem annect-a acku tagmat d yiwen n uzamul seg yizumal n yisey akked nnif akked niyya. Segmi akken i yeḡḡa nniya, ad yeḡḡ akk ayen d-teḡḡa.

Illa unamek nniḍen i d-ttadren yimdanen, nsel-as s waṭas yer yilmezyen akked yimeawazen ar šuḡ. Qqaren-d d akken awal-agi igellem-d deg-s umedyaz amek ttkeyyifen yimdanen. Ad issefruri iferr n cemma, syinn ad t-yerr di lkayeḡ amellal (i wumi iqqar dagi lekfen acku d amellal dayen), dya mi ara t-ikeyyef, amzun akken ikcem di tudert nniḍen ney d azabuq i t-yewwin mbaeid yef tillawt.

Di tidet, ur nezri ara anwa i d anamek n tidet i yebya ad t-id-issiweḡ umedyaz. A wi yufan di sin yinumak šehhan, axateḡ nessutur akk ass ad yili usefru isea aṭas n yinumak deg yiwet n tikklet. D annect-n i as-yettaken azal i usefru ney i tutlayt i deg yettwura.

Izli wiss krad



şifa n leḥbab ad tt-beddley
S tḥerçi ad tt-jeggrey
S tumlilt tmenqas-iw
Bu ttrika yer-s ad senndey
Ma d wayeḍ ad t-ḥeqrey
Xas yefruri-d seg uzaḥ-iw
Ter Rebbi, afus ad t-id-kksey
Aḥezzeb ad t-nefḍey
Ad t-nfuy seg yidisan-iw
At zzur, ad ten-id-necdey
S yis-sen ad nefḍey
Widen ur icekkeb lyeḥḍ-iw



BBEDDEL YIDIS n tmuyli n umedyaz deg yizli-agi. Segmi yella ittmeslay-d yef tudert-is netta akked wayen ara ibeddel akk deg yiman-is, yeqqel tura yer tmetti akked umkan-is gar yimadanen d wayen ara ixdem gar-s akkid-sen.

Am akken d-yemmeslay yef tegmat, dagi ad d-izwir seg yimdukkal-is ney si tdukkli s umata. Ihi, ad yuyal ad yeğğ tdukkli, ad ideqqeṛ akk imeddukkal-is, ad ikkes nniya i yesea yer-sen. Syinn ad d-tegri ala tḥerçi akked tmenqas. Inna-as:

Şşifa n leḥbab ad tt-beddley
S tḥerçi ad tt-jeggrey
S tumlilt tmenqas-iw

Ad yeğğ akk imeddukkal-is iqdimen, ad ten-id-ibeddel s wiyad, s yimdanen i ten-yifen ney wid i yer ara yaf ayen ilhan d wayen t-iseeden.

Imdanen-agi i yer ara yezzi d wid isean ttrika ney idrimen axater d nitni ara yaf asmi ara ixaşş, d nitni ara as-d-ifken asmi ara yeḥwiğ asurdi. Ma d leḥbab-is, xas ammer ah-at ttilin-as ney twacult-is, ad asen-ibru acku ur yelli kra ara d-irbeḥ şur-sen.

Syinn ad d-yaf iman-is umedyaz ala yef yiman-is kan yerna ala i yiman-is kan. Ur d-uclie deg yiwen, ur as-d-tuqa lmeena di kra nniḍen ixḍan taqerṛuct-is. Ad yidir tudert-is s tḥerçi akked tmenqas, ad d-issukkes iman-is seg wakken akk yella zik-nni i wakken ayen akk ur izmir yakan ad t-ixdem, tura ad as-yizmir. Ad iteddu kan deffir lyeṛḍ-is alamma yewweḍ yer-s.

Tef wannect-a, d-ikkes afus-is si Rebbi, acku tikkwal d tagdi n Rebbi i d-ittatṭafen amdan ur ixeddem ara ayen i yer t-issendeh yiman-is. D tagdi n Rebbi i yes-sawaḍen amdan ad issusem tikkwal, ad yeğğ si lḥeqqiq i wakken ad yili lḥeqq n wayeḍ. D acu kan, dagi, amedyaz i ur ittḥezzeb ara yakk i tigi, ad teddu kan deffir lebyi-s.

Yerna, ad d-inced¹ yer yur-s ala wid ara t-ieiwnen ad yaweḍ sani yettnadi. abeada at zzur ney imdanen issawalen tikerkas, wid iteffren tidet i wakken d awal nsen kan ara ieeddin, ney d ayen byan kann ara yilin ledya ma yella tidet-nni yellan ur teddi ara akkid-sen.

At zzur, ad ten-id-necdey
S yis-sen ad nefḍey
Widen ur icekkeb lyeṛḍ-iw

¹Nced seg uncad, d aneerruḍ.

Izli wiss ukkuḏ



usfih i yesburren ɣɣxa
Yeḏsan af lḥerma
I iferrun tilla ass-agi
D ungif yeččan deg uyenja
Uyur d-teggra tɣawsa
Af yiderman a d-ittrayi
Taddert mi ara tḥemmel zzayla
Seg yimezwura
I as-d-ttḥuccun mebla acetki
Ma tesseeteb-ik tmara
Zuf beddel tama
Tettuḏ amek iga yiḏelli



LA-T-AH YIZLI IZADEN akk deg usefru-a, acku dagi ibeddel akk umedyaz tamuyli ines akked yidis-is. Ittmeslay-d tura yef wayen t-iqerḥen s tidet akked wayen i yef i t-iyad lḥal di tmetti. Limmer ad nessikked akken ilha yakk asefru-agi amek i iga, ad nwali d akken armi d taggara-agi i d-iqqar ayen i as-yersen yef wul akked wayen i t-issawḍen yakk ad yaru asefru ines. Timsal-agi t-iqerḥen d tid nettwali si tama yer tayed di tmetti.

D usfih¹ i yesburren ṛṛxa
Yeḍsan af lḥerma
I iferrun tilla² ass-agi

D usfih, amdan-nni ur nesēi lḥerma, d netta tikkwal i d-ttawin medden ad asen-ifru timsal. D netta i tterran d amusnaw, d netta i d-ssebdaden yer zdat i wakken ad tebeen awal-is.

D ungif³ yeččan deg uyenja
Uyur d-teggra tyawsa
Af yiderman a d-ittrayi

D ungif, amdan-nni ur nga leqdeṛ i yima-is, d winna i yer d-iggra udebber, d netta ah-at i d ameqran n taddert, d netta i bab n ṛṛay i ttabaēen akk yimdanen. Ay akken d-inna ad xedmen.

Tamawt kan d akken amedyaz isseqdec tanfalit «lčča deg uyenja», acku di tmeṛa, ney deg yimensi n yiēēḡḡalen, učči seg uyenja⁴ d leib ameqqran. Am akkenni winn ara yeččen seg uyenja, d ccyad i icad ney ur issin ara ilugan n yimensi ney n Imakla. Ibya ad ay-d-issiwed umedyaz tikti ines yef yimdanen-agi i itetṭfen ṛṛay, amek gan d wamek i ten-ittwali, abeēda d wid ur neswi ara yakk, ney d wid ur nesēi ara yakk azal.

D tigi i d timsal i t-iqerḥen. D annect-a yakk i iswi n usefru-agi. D acu kan, maci d tiḥḥerçi nsen i yessawḍen imdanen-agi ad ṭṭfen ṛṛay ney ad debbren, ney d tamussni i izaden yer-sen. D agdud s yiman-is, i mezday n taddert, ney d timetti s umata i asen-ifkan azal. Isseqdec da netta yiwen n yinzi yettwasnen deg yidles aqbayli:

¹Usfih: amdan issexsaren lehdur.

²Tilla d asget n tallit, anamek-is dagi d taswayt.

³Ungif: D amdan ur nesēi ara nnif.

⁴Ayenja: Iflew di temnaḍin nniden.

Taddert mi ara tthemmel zzayla
 Seg yimezwura
 I as-d-tthuccun mebla acetki

D imdanen s yiman nsen, d nitni i yessulin ccan n wungifen, i yefkan azal i wasfihen. D nitni i yerran amusnaw di rrif, d nitni i yessawden amdan ilhan ad iezel iman-is acku ur izmir ara ad ihdeḡ zdat wid i wumi yezzif yiles.

Ihi akk i yef i d-yemmeslay umedeyaz si tezwara, ur yelli ara d ayen i yebya ad t-ixdem netta. Iwwi-t-id kan d awal yef yimdanen-agi ur nesɛi isey wala nniya, yerna d nitni i yuyalen d iqerra yef ugdud.

Di teswayt am tagi, winn ifehmen ney winn isean allay-is yers, ur izmir ara ad iqabel imdanen-agi. Ur izmir ara ad d-isres azal-agi i asen-tefka tmetti. Teggra-d kan i umdan ad yinig ad ibeddel tama, ad iḡuḡ anda akken maci d lbaṭel i yetṭfen ṛray.

Ma tesseṭeb-ik tmara
 Zuf⁵ beddel tama
 Tettuḡ amek iga yiḡelli

⁵Zuf: Inig, hajer.

Tamsirt

TAMSIRT i ilaq ad tt-iṭṭef umdan seg usefru-a d tamsirt zḡayen aṭas. Ayen i yef i d-yewwi Lwennas awal dagi, d yiwen n waṭṭan ameqqran i yellan di tmetti. Mi ara yili yir bnadem i wumi teggen medden ccan, yerna d amdan bu yisey i tterran di rrif.

Ihi, amedyaz inna-d akk ayen xeddmn yimdanen-agi, usfihen-agi, ineggura-agi di tmetti. Ihder-d yakk yef txidas nsen akked tmenqas nsen akked wayen sean diri-t. Iglem-d dayen amek ttwalin ddunit d wayen byan ad awḡen yer-s.

Syin, isummel-d d akken maci d nitni i yewwḡen sani wwḡen, maca d timetti s yiman-is i ten-irefden. Rran ayen n dir ilha, syinn rran ayen ilhan diri-t. Am akken i as-yenna Mulud Zedek deg wawal-is:

Ilha wayen ilhan
 Diri-t wayen n dir
 Ma diri ayen ilhan
 Ad ilhu wayen n dir



TAZEMMURT ITTEWTEN, d nettat i yefkan afus i tqabact. Aṭas n yiḡebɓan ney n waṭṭanen, d timetti i ten-id-iwwin i yiman-is, d nettat i ten-id-iqnen i yiri-s. D nettat i yerran deg yidis ayen yelhan deg-s i wakken ad yeggri kan wayen n dir.

Imdanen ilhan, wid isean azal akked yisey, ah-at ur d-ttbanen ara yakk. D widak-nni kan tt-isserkayen i d-ittbanen, d nitni i iqeddcen, d nitni i yettwassnen, d nitni yuyalen ferrun timsal s rray nsen uzlig.

A wi yufan, yall tayawsa ad teqqel s amekkan-is. D amusnaw ara yemmlen abrid i watma-s, d aḡeddad n wawal ara iḡebbren yef yimdanen, d bu yisey ara nesbedd ad iḡkem, d bu nniya ara neg d amalal ad t-namen, acku d nitni d tidet i yessnen d acu d yewwi lḡal. Am akken as-yenna:

D winn i ineqqcen tibḡirt
I yezran akal amek iga

Ma d amdan n dir, ilaq ad as-nemmel anda akken isxaṣṣ. Ur ilaq ad as-neg ccan, ur ilaq ad nesxaṣṣ di lqima-s. Am netta am yimdanen nniḡen, ayen i deg yessen, ad as-nefk udem, ma d anda ur yessin, ilaq ad as-nwehhi abrid n ṣṣwab.

Ay ansi i d-yessawel lḡeqq
Abrid-is ad iyi-yawi



Tuggra

LIMMER UR LLIN YIMEZWURA, ur ttilin yineggura. Asentel-agi, aṭas n yinazuṛen i yecnan fell-as am Mulud Zedek, Sliman Σazem ney Lewnis At Mengellat... D acu kan, Lwennas Maetub, ixtar ad d-yerr iman-is deg umekkan n yir imdanen-agi i wakken ad isseqdec tazmert n wawal-is deg uqlam n tikta-agi tiberkanin.

Imdanen akk yilen d akken di tezlit-agi, Lwennas yuṛal d yir amdan, d ccmata ney d usfih. D acu kan, amdan ilaq ad ifhem timsal. Mi d-yerra iman-is akka umedyaz, maci i wakken ad issiwed imdanen ad xedmen am netta, maci i wakken ad infed isey akked nniya, maci i wakken ad ibru i tjaddit, lameena isea deg wallay-is d akken ala s wannect-a ara d-ijbed tamezzuyt n yimdanen i wakken ad as-ḥessen.

Ihi Lwennas ur ibri i nniya, ur ikkis leḥya, ur ideqqr imeddukkal, ur ittekka yer bu ttrika, ur iḥqir igellil, ur d-ikkis afus-is si Rḥbi, ur... Annect-a yakk maci d netta i t-ixedmen. Maca wid t-ixedmen, ḍemeen d akken yis-s ara alin...



Tenemmirt nwen Nessaram teɛjeb-awen-d tedlist-a

Ceyyɛet-d tuzinin, tamiwin akked yisteqsiyen nwen yer:



Tasekkla Taqbaylit



TasekklaTaqbaylit

Izerfan akk d ilelliyen

9 meyrɛs 2017